

GJALDSKRÁ

fyrir sorphreinsun og eyðingu sorps í Skorradalshreppi.

1. gr.

Sveitarstjórn Skorradalshrepps er heimilt, í samræmi við 5. gr. samþykktar nr. 632/2000 um sorphirðu (sorphreinsun og sorpeyðingu), að leggja á sérstakt gjald vegna sorphreinsunar og eyðingar sorps í Skorradalshreppi.

2. gr.

Gjaldið er árlega sem hér greinir:

	kr.
Sorpgjald A Lögbýli með búskap:	12.000
Sorpgjald B Tjaldsvæði og önnur atvinnustarfsemi:	12.000
Sorpgjald C Lögbýli án búskapar:	6.000
Sorpgjald D Frístundahús, fullgerð og í byggingu samkvæmt FMR:	4.000
Sorpgjald E Íbúðarhús:	6.000

3. gr.

Gjaldskrá þessi er samin og samþykkt af sveitarstjórn Skorradalshrepps með stoð í 25. gr. laga nr. 7/1998 um hollustuhætti og mengunarvarnir og öðlast þegar gildi. Frá sama tíma fellur úr gildi gjaldskrá nr. 306/2001 um sorpeyðingu í Skorradalshreppi.

Samþykkt í sveitarstjórn Skorradalshrepps 12. febrúar 2003.

Grund, 11. apríl 2003.

Davíð Pétursson oddviti.

REGLUR

um fjárhagslega aðstoð Jöfnunarsjóðs sveitarfélaga til að greiða fyrir sameiningu sveitarfélaga.

1. gr.

Framlög vegna sameiningar sveitarfélaga.

Heimilt er að veita aðstoð úr Jöfnunarsjóði sveitarfélaga á eftirfarandi hátt til þess að greiða fyrir sameiningu sveitarfélaga, sbr. 89. og 90. gr. sveitarstjórnarlaga, nr. 45/1998, með síðari breytingum:

- a) Með greiðslu upphæðar, sem samsvarar eðlilegum kostnaði sveitarfélaga við könnun á hagkvæmni sameiningar. Heimilt er að inna slíka greiðslu af hendi þótt undirbúningsvinna leiði ekki til sameiningar sveitarfélaga.
- b) Með greiðslu upphæðar sem nemur eðlilegum kostnaði við undirbúning og framkvæmd sameiningar, þ.m.t. vegna aðkeyptrar vinnu við reikningsuppgjör og sameiningu á bókhaldi.

- c) Með greiðslu sérstaks framlags til að jafna fjárhagsstöðu sveitarfélaga við sameiningu, sbr. 2. gr.
- d) Með óskertum tekjujöfnunar- og útgjaldajöfnunarframlögum, sbr. 12.-13. gr. reglugerðar um Jöfnunarsjóð sveitarfélaga, nr. 113/2003, á því ári er sameiningin tekur gildi.
- e) Með sérstöku framlagi í fjögur ár, frá sameiningarári að telja, er nemi þeirri skerðingu sem kann að verða á tekjujöfnunar- og útgjaldajöfnunarframlögum í kjölfar sameiningar. Við greiðslu framlaga skal miða við útreiknuð tekjujöfnunarframlög á sameiningarári, að teknu tilliti til breytinga á vísitölu neysluverðs. Jafnframt skal framlag taka breytingum í hlutfalli við þá fjármuni sem sjóðurinn hefur til ráðstöfunar á ári hverju til greiðslu útgjaldajöfnunarframlaga.
- f) Með framlögum til að stuðla að endurskipulagningu þjónustu og stjórnsýslu í allt að fimm ár frá sameiningu, sbr. 3. gr.

2. gr.

Skuldajöfnunarframlög.

Framlög skv. c-lið 1. gr. skal ákveða á grundvelli veltufjármuna sveitarsjóðs ásamt áhættufjármunum og langtímakröfum, að frádregnum skammtíma- og langtímaskuldum, í hlutfalli við tekjur miðað við ársreikning næstliðins árs fyrir sameiningu.

Við mat á fjárhagsstöðu sveitarfélags skal m.a. höfð hliðsjón af þjónustustigi í sveitarfélagi og stöðu framkvæmda á vegum sveitarsjóðs gagnvart lögbundnum verkefnum, auk raunvirðis eftirtalinna eigna og skuldbindinga:

- a) Eignir:
 - 1) Eignarhlutar í félögum:
 - i) Hlutabréf.
 - ii) Eignarhlutar í fyrirtækjum sveitarfélagsins, s.s. veitufyrirtækjum.
 - iii) Eignarhlutar í öðrum félögum.
 - 2) Aðrar eignir sem ekki eru nauðsynlegar til að sveitarfélagið geti rækt lögskyld verkefni sín.
- b) Skuldbindingar:
 - 1) Ábyrgðarskuldbindingar sem fallið hafa á sveitarsjóð eftir lok reikningsskilatímabils eða er ljóst að muni falla á sveitarsjóð.
 - 2) Skuldbindingar vegna eigin fyrirtækja sveitarfélags eða verkefna með öðrum, sem ætla má að lendi á sveitarsjóði í formi framlaga.
 - 3) Verksamningar.

3. gr.

Framlög til endurskipulagningar.

Heimilt er að veita með eftirfarandi hætti framlög til endurskipulagningar þjónustu og stjórnsýslu, sbr. f-lið 1. gr., á grundvelli rökstuddra umsókna frá hlutaðeigandi sveitarfélagi, þar sem fram kemur þörf fyrir verkefni:

- a) Til þátttöku í launakostnaði framkvæmdastjóra enda hafi ekki áður verið starfandi framkvæmdastjóri í hinum sameinuðu sveitarfélögum. Aðstoð má nema allt að 75% af launum sem ráðgjafarnefnd metur eðlileg miðað við stærð sveitarfélags og umfang verkefna.
- b) Til þátttöku í stofnkostnaði grunnskóla- og leikskólamannvirkja. Aðstoð má nema allt að 50% af stofnkostnaði en við útreikning skal hafa hliðsjón af áætluðu söluverði eldri mannvirkja, þar sem um þau er að ræða, samkvæmt mati löggilts fasteignasala.

- c) Til þróunar á stjórnarsýslu og/eða þjónustu sveitarfélags fyrstu fjögur árin eftir sameiningu.

4. gr.

Ráðgjafarnefnd Jöfnunarsjóðs getur samþykkt nánari vinnureglur um framkvæmd þessara reglna.

5. gr.

Reglur þessar eru settar samkvæmt heimild í 98. gr. sveitarstjórnarlaga, nr. 45/1998, með síðari breytingum og a-lið 11. gr. laga um tekjustofna sveitarfélaga, nr. 4/1995, með síðari breytingum, og öðlast þær þegar gildi. Jafnframt falla úr gildi reglur um fjárhagslega aðstoð Jöfnunarsjóðs sveitarfélaga til að greiða fyrir sameiningu sveitarfélaga, nr. 619/1994, með síðari breytingum.

Ákvæði til bráðabirgða.

Framlög skv. e- og f-lið 1. gr. greiðast aðeins til sveitarfélaga þar sem sameining hefur tekið gildi 1. janúar 2001 og síðar.

Útreikningur útgjalda jöfnunarframlaga skv. e-lið 1. gr. til sveitarfélaga sem sameinuðust árið 2002 skal miðast við áætlun sjóðsins um framlög, sem sveitarfélögin hefðu fengið úthlutað á árinu 2003 á grundvelli 13. gr. reglugerðar um Jöfnunarsjóð sveitarfélaga, nr. 113/2003, hefði ekki komið til sameiningar.

Félagsmálaráðuneytinu, 9. apríl 2003.

Páll Pétursson.

Garðar Jónsson.

REGLUGERÐ**um breyting á reglugerð nr. 473/2001,
um námskeið og próf fyrir viðurkennda bókara.**

1. gr.

3. gr. orðist svo:

Prófnefnd tekur ákvörðun um prófsefni það sem prófað er úr. Námskeiðið skiptist í þrjá hluta, I. hluta, upplýsingamiðlun og upplýsingakerfi, II. hluta, reikningshald, og III. hluta, skattskil. Miða skal við að kennsla í I. hluta verði 30 klst., kennsla í II. hluta verði 38 klst. og kennsla í III. hluta verði 38 klst. Að loknum námskeiðum skal halda próf úr öllum hlutum. Kennslugreinar eru þessar og skiptast þannig á milli námskeiðshluta:

I. hluti

Rafræn skattskil einstaklinga og lögaðila.

Öryggismál í netkerfum.

Áhrif upplýsingatækninnar á reikningshaldskerfi.

Reikningshaldslegt innra eftirlit í viðskiptaferlum.